



TOSHKENT DAVLAT YURIDIK UNIVERSITETI REKTORINING
BUYRUG‘I

2021-yil «5» avgust

08-200-son

**Тошкент давлат юридик университетида коронавирус инфекцияси
кенг тарқалишини олдини олишга қаратилган чора-тадбирларни
янада кучайтириш тўғрисида**

Ўзбекистон Республикаси Бош давлат санитария вазири, Санитария-эпидемиологик осойишталик ва жамоат саломатлиги хизмати бошлиғининг 2021 йил 17 июлдаги 11-сон “Ўзбекистон Республикаси аҳолиси ўртасида COVID-19 инфекциясининг тарқалиб кетишини олдини олиш бўйича чора-тадбирларни янада кучайтириш тўғрисида”ги қарори ва Ўзбекистон Республикаси адлия вазирининг 2021 йил 19 июлдаги Адлия вазирлиги тизимида коронавирус инфекцияси кенг тарқалишини олдини олишга қаратилган чора-тадбирларни янада кучайтириш тўғрисидаги 216-ум-сон буйруғида белгиланган вазифалар ижросини таъминлаш, Тошкент давлат юридик университетида коронавирусга қарши оммавий эмлаш тадбирларини жадаллаштириш ва тезлаштириш орқали ходимларда ушбу инфекцияга қарши жамоавий иммунитетни ҳосил қилиш мақсадида

БУЮРАМАН:

1. Ўзбекистон Республикаси Бош давлат санитария вазири, Санитария-эпидемиологик осойишталик ва жамоат саломатлиги хизмати бошлиғининг 2021 йил 17 июлдаги 10 ва 11-сон қарорлари ҳамда Ўзбекистон Республикаси адлия вазирининг 2021 йил 19 июлдаги 216-ум-сон буйруғи раҳбарлик ва ижро учун қабул қилинсин.

2. Қарор билан:

Ўзбекистон Республикаси Олий Мажлиси Қонунчилик палатасининг 2021 йил 15 июлдаги 1164-IV-сон қарори билан Республика махсус комиссиясига коронавирус инфекцияси билан касалланиш ва уни тарқатиш хавфи юқори бўлган муайян тоифадаги ёки гуруҳдаги 18 ёшдан катта аҳоли қатламини албатта эмлаш чораларини кўриш тавсия этилганлиги;

18 ёшдан катта бўлган бир қатор тоифа (давлат ҳокимияти ва бошқаруви органлари, ҳуқуқни муҳофаза қилувчи органлар ходимлари, аҳоли билан мулоқотга кирувчи барча турдаги хизмат кўрсатиш объектларининг (давлат хизматлари марказлари, нотариуслар, суғурта компаниялари ва бошқалар) ходимлари) ёки гуруҳдаги аҳоли қатламини 2021 йил 1 сентябргача эмлашнинг биринчи дозаси, 1 октябргача эмлашнинг иккинчи дозаси ҳамда 1 ноябргача эмлашнинг учинчи дозаси билан оммавий эмлаш тадбирларини амалга оширилишини (саломатлиги бўйича қарши кўрсатма бўлган ҳоллар бундан мустасно) белгиланганлиги;

коронавирус инфекциясига қарши эмлашнинг эпидемиологик кўрсатма бўйича профилактик эмлаш календарига киритилган қўшимчага асосан эмлашнинг ҳар бир босқичини вакцинани қўллашга доир йўриқнома асосида амалга оширилиши;

коронавирус инфекциясига қарши эмлаш инфекция тарқалишининг олдини олишда энг самарали восита эканлиги тўғрисида аҳолини кенг хабардор қилиш белгилаб берилганлиги маълумот ва ижро учун қабул қилинсин.

3. Проректор (А.Ҳашимхонов) ҳамда факультет деканлари:

Санитария-эпидемиологик осойишталик ва жамоат саломатлиги хизматининг ҳудудий бўлинмалари билан биргаликда ихтиёрийлик асосида университет таркибий бўлинмалари, профессор-ўқитувчилар ва барча ходимларини (саломатлиги бўйича қарши кўрсатма бўлган ҳоллар бундан мустасно) 2021 йил 1 сентябргача эмлашнинг биринчи дозаси, 1 октябргача эмлашнинг иккинчи дозаси ҳамда 1 ноябргача эмлашнинг учунчи дозаси билан оммавий эмлаш тадбирларини амалга оширилишини таъминласин;

коронавирус инфекциясига қарши эмлашни Эпидемиологик кўрсатма бўйича профилактик эмлаш календарига киритилган қўшимчага асосан кўрсатилган ходимларга эмлашнинг ҳар бир босқичини вакцинани қўллашга доир йўриқнома асосида амалга оширилишини таъминласин;

жамоавий ва якка эмланиш бўйича ходим ва талабалар орасида кенг тушунтириш ишларини олиб борсин.

4. Кадрлар бўлими (А.Матмуротов) ҳамда Маънавият ва маърифат маркази (Ш.Пўлотов):

университетда коронавирус инфекциясига қарши эмлашни мувофиқлаштириб борсин;

бир ҳафта муддатда тегишли равишда иш фаолиятига таъсир этмаган ҳолда қонунчилик ҳужжатларида белгиланган тартибда ходимларни меҳнат

таътилига чиқариш, қолган қисмини эса меҳнат фаолиятини максимал даражада масофадан туриб ташкил этиш чораларини кўрсин;

университет кесимида коронавирус инфекциясига қарши эмлаш тадбирларини ҳафталик таҳлил қилиб, мониторинг қилиб борсин ҳамда эмлаш тадбирлари натижалари ва университет ходимларининг соғлиғи ва коронавирус инфекцияси билан боғлиқ эпидемиологик вазият ҳақида ҳар ҳафта жума куни раҳбариятга ахборот тақдим этиб борсин;

коронавирус инфекциясига қарши эмлаш тадбирларини ташкил қилишда масъулиятсизликка йўл қўйиб келаётган таркибий бўлинма раҳбарлари ҳақида раҳбариятга кунлик ахборот киритиб борсин;

коронавирус инфекциясига қарши била туриб эмланмаган (саломатлиги бўйича қарши кўрсатма бўлган ҳоллар бундан мустасно) ходимларни меҳнат қилиш ҳуқуқларини вақтинча чеклаш бўйича таклиф киритсин.

5. Проректор (А.Иминов) доимий равишда:

ходимларни вирусдан сақловчи барча хавфсиз воситалар (ҳимоя ниқоблари, махсус қўлқоплар ва антисептик воситалар) билан тўлиқ таъминласин;

бинога тиббий ҳимоя ниқобисиз ҳамда санитария қоидаларига риоя қилган ҳолда кириш ва чиқишга ҳамда уларнинг тана ҳарорати белгиланган миқдорда бўлишига алоҳида эътибор қаратсин.

6. Жамоатчилик ва ОАВ билан ишлаш бўлими (Ж.Ҳайдаров) бир ҳафта муддатда университет таркибий бўлинмалари ва тегишли соҳа мутахассислари билан биргаликда коронавирусга қарши оммавий эмлаш амалиёти коронавирусга қарши курашиш ва унинг янги тўлқинларини олдини олиш ҳамда ушбу инфекциядан ҳимояланишнинг ягона ва самарали усули эканлиги тўғрисида видеороликлар, инфографикалар, кўргазмали тарғибот материаллари орқали университет ижтимоий тармоқлари орқали кенг тарқатилишини таъминласин.

7. Ушбу буйруқ ижросини назорат қилишни ўз зиммамда қолдираман.

Ректор в.в.б



И. Рустамбеков